

癰瘍機要
下中

薛氏醫案

癘瘍機要中卷

薛氏醫按

吳郡薛已著

新都吳玄有校

續治諸症

一男子遍身患小瘡或時作痒口乾作渴服消風散起赤痒益甚服遇風丹膿水淋漓飲食無度肌肉消瘦尺脉洪數左尺尤甚余謂腎水不足虛火上炎爲患先用加減八味丸其渴漸止用補中益氣湯加五味子肌肉漸生佐以八珍湯加牡丹皮麥門冬百餘劑而痊二年後不節房勞其瘡復作惑於人言又服

消風散之類其瘡復患余仍用前藥調治而痊

一男子善怒面青腿內腫患癰類色赤作痒或爲砭刺出血發熱炊腫作痛照消風散而益甚服遇仙丹愈加發熱作渴仍服之膿水淋漓其脉洪數左關爲甚余謂肝經血虛火內動復傷其血而瘡甚耳先用柴胡清肝散數劑又用四物山梔治之諸症漸愈用八珍湯地黃丸兩月餘而痊

一男子面赤作渴面常患小瘡作痒服祛風藥遍身發赤癰服花蛇酒更發赤暈通行砭刺又服消風散發熱口渴飲水不止余謂肝經血虛而風熱也用梔

手清肝散及地黃丸料煎服熱渴漸止瘡漸結靨又
用八珍湯地黃丸瘡靨漸脫又服月餘瘡漸愈
一男子面生粉刺或生小瘤服消風散瘡益甚服遇
仙丹加遍身赤痒仍服前藥發熱炊腫又服旬餘潰
而出水形體骨立先用四君當歸桔梗數劑飲食稍
進又用八珍湯數劑而痊

一男子患腎臟風飲燒酒發赤暈砭出血數追毒之
藥成瘡出水日晡益甚類大麻風服遇仙丹眉毛折
落大便下血虛羸內熱飲食甚少勢誠可畏余先用
聖濟犀角地黃湯其血漸止又用五味異功散加當

歸升麻飲食漸進用四物參朮牡丹內熱漸減用易
老祛風丸膿水漸少又八珍牡丹皮之類月餘瘡漸
結靨因思慮發熱盜汗瘡復作痒兼起赤暈用加味
歸脾湯數劑汗熱漸止用加味道遙散六味地黃丸
而痊

一男子嗜膏粱炙燂醇酒辛辣之物遍身生瘡癰甚
爲作痒服消風散之類更起赤暈又砭出血其痒益
甚敷敗毒之劑遂各成瘡膿水津淫眉毛漸脫赤痒
益甚此脾經積熱傷血所致余先用犀角地黃湯諸
症稍退乃用濟生犀角地黃湯加黃連治之膿水漸

止乃以八珍湯加山梔牡丹皮眉毛漸生因飲食少
宜胸腹作脹飲食少思或大便下血用五味異功散
加升麻飲食漸進又用補中益氣湯而血止仍用異
功散加當歸牡丹皮而痊

一男子內賺作痒色黯搔起白皮各砭刺出血其痒
益甚更起赤暈延及外賺津津不已服祛風之藥口
體亦然作渴引飲左尺脉洪大數而無力余謂此胃
經虛火復傷其血火益甚而患耳先以八珍湯加五
味子牡丹皮三十餘劑諸症漸愈乃佐以加減八味
丸料又百餘劑而痊

一男子常咳嗽腿患白癧風皮膚搔起白屑服消風散之類痒益甚起赤暈各砭出血赤暈開胤而痒愈甚服遇仙丹之類成瘡出水殊類大麻風咳嗽吐痰面色皎白時或痿黃此脾肺二經虛熱之症先用五味異功散治之虛熱稍退又用地黃清肺飲肺氣漸清又用八珍湯六味丸而尋愈後又咳嗽痰喘患處作痒用參蘇飲二劑散其風邪又用五味異功散加桔梗補其肺氣而痊二年後咳嗽作渴飲水脉洪大左尺爲甚用加減八味丸補腎水而痊

一男子素不愼房勞其髮漸落或發熱惡寒或吐痰

頭暈或口乾作渴或小便如淋兩足發熱或冷至脛
屬是三陰虧損而陰火內熾朝用十全大補湯夕用
加減八味丸諸症退而髮漸生後兩腿腕患紫癰風
延於兩股作痒各砭出血痒處日甚服消風等藥患
處微腫延及上體兩眼昏澀余謂腎臟風先用四生
散四服後用易老祛風丸月餘用地黃丸兩月餘而
痊後飲食起居失宜肢體色赤服二丸隨愈

一男子患白癰風過飲或勞役患處色赤作痒服消
風散之類頓起赤暈遍身皆痒砭出血服祛風藥患
處出血恪服遇仙丹患處愈燉元氣日虛余先用九

味蘆薈九味羌活湯諸症頓愈用加味逍遙散加味四物湯乃瘥

一男子不時患疙瘡搔痒成瘡膿水淋漓惡寒發熱先用羌活當歸散而痒止又用易老祛風丸而不發後飲燒酒起赤暈二便不通口舌生瘡熱渴不安用防風通聖散二便通利但口乾體倦飲食不入用七味白朮散去木香四劑而安

一男子患瘡疥搔破出膿水面赤作渴大便堅實脉洪數左關寸爲甚此木火相搏也先用瀉青丸料煎服熱勢頓減又用梔子柴胡散加味道遙散而瘡愈

一男子患搔痒破而成瘡如大麻風服遇仙丹熱
作渴大便秘結脉沉實右關爲甚此熱蓄於內也先
用黃連內疎湯而大便通利又用防風通聖散去硝
黃而熱渴止却用八珍湯而瘡愈

一儒者素食膏粱發熱作渴飲冷患瘡如大麻風大
便出黑血服清熱祛風等寒藥益甚余謂血分有熱
火也故寒之不寒用四物二連湯以清熱涼血用六
味地黃丸以補腎生水而熱退又用柴胡梔子散調
理而痊

一男子遍身患疙瘡作痒勞而益甚用參芪歸朮爲

君佐以柴胡炒芩桔梗川芎炙草而瘡更用補氣血之藥後不再發

一男子患疥瘡癢發熱形氣虛弱口鼻氣熱且喜飲冷屬外邪也以消風散二劑外邪悉解但倦怠少食更治以參芪歸朮陳皮炙草五味子而健又以補中益氣湯去柴胡升麻加茯苓芍藥乃痊

一男子患前症多在醫脚勞役則痒益甚小便色黃服敗毒散芩連之劑患處痒痛夜不得寐余謂脾氣下陷用補中益氣湯加五味麥門少用炒黑黃柏治之而瘡凡病日間如故日晡倦怠或勞愈加最遲而

緩皆元氣虛也宜用前藥補而治之

一婦者遍身生瘡瘙痒膿水淋漓自知醫服八珍劑
防之類益甚脉洪大按之無力余謂此氣血虛熱也
用八珍湯加牡丹皮治之而愈繼娶後兩足生瘡久
不愈尺脉數而無力余用地黃丸八珍湯而痊

余甥凌雲漠年十六庚子夏作渴發熱吐痰唇燥遍
身如疥兩腿尤多色黯作痒日晡愈熾仲冬腿患瘡
尺脉洪數余曰疥腎疳也瘡骨疽也皆腎經虛症針
之膿出其氣氤氲余謂火旺之際必變瘰症用六味
地黃丸十全大補二旬諸症愈而瘰症具仍用前藥

而愈抵冬畢姻至春其症復作仍服地黃丸數斤前藥三百餘劑而愈

稽勲李龍岡遍身患此腿足爲甚日晡益熾口乾作渴小便頻數此腎經虛熱用補中益氣湯六味地黃丸而痊

一儒者善嚏患疥余以謂腠理不密外邪所搏用補中益氣湯加白芷川芎治之不從自服荊防敗毒散盜汗發熱作渴熾痛膿水淋漓仍用前湯倍加參芪五味而痊

一儒者患在臂脚日晡或痒或脹形體倦怠自服

毒散痛處發腫小便赤澀此肺腎陰虛余用補中
氣湯加五味子麥門冬而愈

一儒者遍身發癰誤服攻毒之劑元氣虛而不能愈
余用補中益氣湯加茯苓治之其瘡頓愈又因調理
失宜日晡益甚用八珍湯加五味子麥門冬五十餘
劑而愈

一男子患疔瘡色黯作痒出黑血日晡至夜益甚其
腿日腫夜消余以爲氣血虛而有熱朝用補中益氣
湯夕用加味逍遙散而愈

一男子時疫愈後遍身發癰作痒服補中益氣湯而

愈有同患者不信余言乃用砭法出而死此因陰虛血熱色黑作痒也何乃反傷陰血哉

一男子患癰乾痒作痛以苓連荆防山梔薄荷為藥歸梢治之而愈

一儒者應試後遍身瘙痒後成疙瘡此勞傷元氣陰火內熾秋寒收斂腠理鬱熱內作用補中益氣湯加茯苓川芎白芷而愈後復勞仍作惑於人言服祛風敗毒藥如大風之狀又發熱作渴倦怠懶食余用補中益氣湯倍加參芪歸朮半夏茯苓五味子麥門冬而愈

舉人陸世明會試途中勞役胸患斑癩赤作痛頭痛
發熱形倦少食大便或溏或結小便赤澀此勞傷元
氣而虛火內動投補中益氣湯一劑頓退再劑而痊
又數劑而元氣復

一男子脾腎氣血虛熱恪服四物黃柏知母之類元
氣愈虛倦熱益甚余朝用補中益氣湯夕用六味地
黃丸加五味子煎服而愈後至閩爲商遍身搔痒時
喜熱水浴之後患瘡癰破而出水用風藥益甚或赤
或白眼作花痒先用胡麻散六味丸痒漸愈用六味
丸消風散瘡漸愈用八珍湯六味丸而痊次年兩股

小腹頸項復作痒用四生散六味丸而愈

一婦人經水先期勞役或氣惱則寒熱搔痒服祛風
降火等藥不勞怒而自痒發熱更加痰喘氣促服化
痰清氣之藥形氣倦怠食少胸痞身發瘡疹服消毒
之類膿水淋漓服大麻風藥口乾作渴欲水而不敢
飲經水又過期眉間若動又服月餘眉毛脫落經水
淋漓余謂心肝二經風熱相搏制金不能平木木剋
脾土而不能統血肝火旺而不能藏血也眉間屬甲
木而主風風動血燥而眉毛脫落又若動也經云水
生木遂朝用地黃丸以滋腎水生肝血夕用加味